



## Plis bilong Paia

Lilly Langtry i raitim

### Ol wasman redi i stap

Nupela we long lukautim ol pipel bilong Karkar sapos maunten i paia i redi pinis. Paia i kilim indai pinis tupela opisa bilong paia na gavman i kirap na wokim wanpela nupela we long helpim ol pipel bilong Karkar sapos maunten i paia. Ol saveman long was long paia i tok ol pipel long hap long Saut Is long Karkar i mas was gut long taim bilong paia. Ples bilong ol i daunbilo nau sampela taim maunten i paia bai bikpela si i save kirap.


Sapos si i kirap inap long bagarapim ples bilong ol. Bilong wanem ples bilong ol i stap daunbilo liklik. Tasol ol saveman bilong paia i tok i luk olsem Karkar i no inap pairap tru long dispela taim, bilong wanem bigin long 1974 inap nau Karkar i wok long paia. I luk olsem ol 23 tausen man long Karkar i no ken wari tumas.

I go moa long pes 3



*Avoa Isou bilong Wes Unitet i ranawe long wanpela Kone Tiger pleya. Ol kisim poto long gred finals long 1978.*

**RAGBI LIG STAT LONG MAS 31. MOA PIKSA LONG PES 24.**



**Gavman mas stretim rong**

Poto -- Mark Baker

lukim pes 12



## MEMYAMYA TRABEL

Kot i kirap pinis long Memyamya. Moa long 200 manmeri i kamap pinis long kot na autim wari bilong ol. Buk bilong gavman i pulap tru long ol ripot.

Dispela kot i kirap pinis na planti kain rong i sut i go long plis na kiap. Planti ol man i harim ol dispela ripot i sem tru. Ol i ting em i moa beta yumi no toktok planti long kain samting olsem. Moabeta plis na gavman tasol i stretim. Tasol kain tingting olsem i no stret. Trabel i longtaim tru. Plis na kiap i no inap stretim na mekim indai. Kot tasol inap stretim wari bilong ol man na mekim indai ol trabel.

Kain kot olsem i soim yumi PNG i fri kantri. Kain kot olsem i soim yumi man nating i gat we long stretim wari na hevi bilong yumi. Kain ripot olsem i soim yumi i gat wanpela lo tasol long PNG. Kain kot olsem i soim yumi wanpela lo tasol i karamapim bikman na man nating. Kot inap singautim bikman na man nating. Maski husat i mekim rong em i mas kamap long kot na harim tok bilong kot.

### National weekly in Melanesian Pidgin.

**Editorial Offices:**  
P.O. Box 1982  
Boroko  
Phone: 25 2500  
Telex: NE 22213

**Advertising:**  
In P.N.G.  
Georgina Gaiger  
Phone: 25 2500

**Advertising:**  
In Australia  
Peter Halse Associates  
Sydney  
Phone: 29 7527  
Telex: 21 409

**Subscription Rate:**  
Annual: K8.00.

## Is Nu Briten Politik

Lilly Langtry i raitim

Is Nu Briten i go pas long wok bilong provinsal gavman. Tasol nau i luk olsem ol memba bilong provinsal gavman i bruk bruk nabaut.

Wanpela bikpela lain memba ol i memba bilong Mataungan Asosiesen. Dispela asosiesen i no nupela. I stap longtaim liklik nau, moa olsem 10-pela yia. Lida bilong dispela asosiesen em Oscar Tammur, Melchior Tomot, na John Kaputin. Dispela asosiesen i kirap long taim ol pipel i no laik bung wok wantaim ol lida bilong gavman long taim ol Australia i bosim PNG. Ol i gat bikpela laik tru long kisim bek ol graun bilong ol na ol yet i laik bosim ol wok bilong lokal gavman.

Sampela arapela asosiesen i kirap bihain long Mataungan. Ol pipel i gat planti wari na ol i laik i gat asosiesen bilong ol yet. Olsem ol i kirapim Warbet Kivun, Greater Toma Kaunsil na Duke of York Grup.

### 5-pela i pinis

Long las wik 5-pela minista bilong Is Nu Briten provinsal gavman i pinis long wok. Ol i kros long Primia, Mista Koniel Alar. Ol i laik em i mas pinis long wok Primia na Mista Ereman ToBaining i mas kisim wok bilong em.

### Mas long opis

Tasol Mista Alar i strong na em i makim 5-pela nupela minista long kisim ples bilong ol dispela lain i pinis long wok gavman. Ol

memba bilong Mataungan i lukim dispela na ol i woka-baut mas i go long opis bilong provinsal gavman. Ol i tokim Mista Alar long pinis long wok.

Is Nu Briten Provinsal Seketeri, Mista Sinai Brown i tok ol planti bikman bilong pablik sevis i lukim dispela wok politik na ol i laik pinis long wok long Is Nu Briten na go long arapela provins. Mista Brown i tok ol minista na planti memba oltaim ol i sutim tok i go long ol pablik sevis sapos ol yet i painim trabel.

Mista Brown i tok ol pablik sevis i kam long helpim ol pipel. Tasol Edministretiv Seketeri — Mista Nason Palias, Provinsal Plena — Mista John ToVue, Saveman bilong

Lo — Mista Simon Lupalrea, na Fainens Opisa — Mista Paul Panawe, olgeta i laik pinis nau.

### Nupela we

Wanpela bikpela wari bilong ol provinsal memba bilong Is Nu Briten em hia. Provinsal Gavman bilong yumi inap wok gut o yumi mas painim nupela we long mekim wok bilong provinsal gavman. Mista To Baining i ting ol i mas senis na bihainim wanpela we bilong gavman bilong Amerika. Long Amerika olgeta pipel i vot long primia. I no samting bilong ol memba tasol long votim. Olsem em i laik rausim primia na tokim ol pipel long vot long nupela primia.

## Famili Sevis

Lilly Langtry i raitim

Wanpela grup bilong ol meri i bin bungim sampela mani long helpim Famili Sevis Grup, long mekim Opis bilong ol i go bikpela. Ol lain meri ya i bin salim botol na plaua long kisim mani. Na tu ol i bin samapim klos na kukim kaikai na salim long ol maket long kisim mani.

Grup ya i mekim olsem long wanem, ol i laik bungim sampela mani long helpim ol wok bilong ol pikinini.

Opis bilong Famili Sevis Grup ya i stap klostu long Loreto Haus, long Boroko. Sista Theresina Regione em i Dairekta bilong Famili Sevis Grup, na i gat 8-pela meri tu i stap wok long Opis bilong Famili Sevis long Boroko.

Famili Sevis i save help-olgeta meri insait long PNG. Ol i save helpim ol

meri i gat wari, ol meri i nogat man, na ol meri husat i nogat haus long slip.


Presiden bilong wanpela grup bilong ol meri long Gordons, Misis Jacinta Kadona i tok, ol man bilong ol lain meri ya nau i stap wok olsem kuskus long Gordons Plis Bareks, i bin givim K30.00 olgeta. Dispela mani ol i bin givim i bilong helpim long mekim Opis bilong Famili Sevis i go bikpela.

*Poto — Misis Jacinta Kadona bilong Tapini i givim mani long Sista Theresina bilong Katolik Famili Sevis. Ol meri i memba bilong klap i sanap wantaim Jacinta.*






# Plis bilong Paia Karkar i paia yet



Poto antap -- Hul bilong paia long Karkar.

Poto -- Dept. Minerels Energy.



olsem plis. Taim ol i wok i gat planti birua i stap long bagarapim ol. Long arapela wik i go pinis tupela wasman bilong paia i slip klostu tru long paia. Ol i laik was i stap. Tasol taim tupela i slip long nait paia i kirap na kilim tupela. Tokman bilong gavman i tok dispela trabel i painim tupela i kamap wantu. Olgetaim taim trabel i no kam olsem. Pastaim maunten i mas pairap liklik na bihain bai i go bikpela. Tasol dispela taim paia i kirap olsem sanguma na i kilim tupela.

## Yumi no klia

Tasol yumi no inap save tru long as bilong paia. Sampela man i ting as bilong dispela pairap i stap insait tru long graun. Ol i tok sapos ol mineral long graun i guria bai i go tuhat. Dispela ol graun i go tuhat pinis i mas painim rot long ranawe. Tasol insait long graun i no gat rot olsem paia i mas painim olupela rot insait long graun, olsem olupela rot i stap long Karkar paia, na bihainim dispela rot i go antap.

## Gutpela wasman

Olsem gavman i mas i gat gutpela wasman bilong lukautim ol pipel. Nogut paia i bagarapim ol. Olsem gavman i gat stesin nabaut nabaut long PNG long was long ol maunten paia. Long ol dispela stesin ol opisa bilong gavman i wok olsem plis bilong paia long was gut long ol pipel na tok klia long ol taim paia i laik kirap.

Poto -- Karkar i paia

Poto -- J. Juzciga.

i kam long pes 1

## Kibung long Paris

Tasol long wanpela bikpela kibung bilong Yunaitet Nesens long Paris--France (Frens) long arapela mun i go pinis ol save man i tok yumi no inap tru long save long olgeta we na lo bilong maunten paia. Yumi mas was i stap.

Yumi hia long PNG i save long 1951 taim Maun Lemington i paia long Oro Provins ol saveman bilong paia i ting bai i no ken paia kwik. Tasol maunten i paia na 4 tausen pipel i dai pinis. Na tu long 1937 Vulcan Ailan long Rabaul i pairap na 300 manmeri i dai pinis.

Olsem na saveman bilong paia i wok hat tru long painimaut as bilong pairap. Olsem ol i no pret long go klostu tru long paia. Ol i laik kisim moa save long ol lo bilong paia.

Olsem wasman bilong maunten i paia i save wok

# NIUS - NIUS - NIUS - NIUS - NIUS - NIUS - NIUS - NIUS

**PNG BENG** - PNG beng i kisim 3 milien kina winmani long 1978. Ol i gat 34 beng insait long PNG na moa long 940 stav. Minista bilong rainens Mista Barry Holloway i tok olsem.

**BRUK LONG NU AILAN** - Mista Maul Karau, Membra bilong Nu Hanova na Minista bilong Helt long Nu Ailan Provinsal Gavman i tok dispela tok long Nu Hanova i laik bruk long Nu Ailan em i tingting bilong wan wan man tasol, i no tingting bilong ol pipel bilong Nu Hanova. Nu Hanova i kisim bikpela helpim pinis long Provinsal Gavman.

**TUPELA ILEKSEN** - i gat tupela ileksen long memba palamen bai i kamap long dispela taim. Namba wan bai i kamap long Pomio long Is Nu Briten. Ol pipel bai i stat vot long 30 Jun na pinis long 28 Julai. Namba tu ileksen bai i kamap long Obura-Wonenara long Isten Hailans. Ol pipel i stat vot long 11 Ogas na pinis long 8 Septemba.

**MANUS PROVINSAL GAVMAN** - Ol pipel long Manus bai i gat namba wan ileksen bilong provinsal gavman long mun Me. Ol pipel i stat vot long 12 Me na pinis long 26 Me.

**TAUN KAUNSI** - komiti bilong ripot long kirapim Wewak Taun Kaunsi i laik pinisim wok nau. Sapos komiti i tok na gavman i orait bai Wewak kisim taun kaunsi.

**PNG HELPIM AFRIKA** - PNG i givim pinis K700 long Yunaitet Nesens long helpim ol pipel long Afrika kamap fri. Dispela mani i go long helpim ol pipel long tupela kantri ol i kolim Nanimbria na Saut Afrika.

**OMBUDSMAN KOMISIN** - komisin i opim pinis wanpela nupela opis long Lae.



### Putim Rot Sain Long Tok Pisin

Dia Edita - Nau long dispela taim mi gat bikpela wari tru na rait i kam long Wantok Niuspepa. Plis yu inap givim spes long mi long putim wari bilong mi. Wari bilong mi i go olsem. Mi laik bekim tok bilong ol plisman long las wik i go pinis long Sarere, 17 Februari 1979. Ol i bin tok planti man i kisim bagarap long ka long taim ol i draiv taim ol i spak.

Yupela i bin tok olsem tasol i no long spak tasol. Nogat. Mi lukim sampela man ol i kisim bagarap long sampela samting olsem ol sain pos long ol rot bung na kona na long ol taun tu.

Long wanem ol skul pikinini inap ritim gut wanem samting i stap klostu long rot bung na skul, na bris. Long soim olsem sain bilong bihainim lo ol i orait. Tasol planti man bilong PNG i draiv tasol. Ol i no save skul o save rit na rait long Inglis. Nogat. Ol i tanim tanim stia tasol na sampela liklik samting bilong ka em tasol.

Nogat narapela moa i gat save long ol. Nogat tru. Na taim ol i go long taun na rot bung na long ol kona. Ol i no lukim gut sain i tok wanem long ol. Em long wanem yupela ol trafik man i putim ol sain long tok Inglis tasol. Na ol i no inap ritim gut.

Tok Inglis em i no tok ples bilong Papua Niugini. Em i tok ples bilong narapela kantri. Yu paulim nating na dispela kain pasin i mekim tok ples bilong yumi PNG em Tok Pisin em i samting nating.

Bipo skul i no kamap yet long ples bilong yumi na tok ples bilong yumi stret em tok pisin i kamap pastaim long olgeta hap liklik ples insait long PNG. Na olgeta man i gat save pinis long pisin tasol. Sampela

## Kirapim Tambu Gen

Dia edita - Mi laik bai yu givim liklik spes long mi na bai mi putim liklik wari bilong mi long Nius pepa. Wari bilong mi i go olsem mi lukim long Wantok Namba 256 long Sarere 3 Mas, 1979, mi lukim olsem praim minista i tingting long kirapim gen tambu long raun long taun long biknait.

Mi ting em i wanpela gutpela samting tru olsem long kantri bilong yumi PNG. Mi ting em i gutpela long praim minista i tok. Mi no stap longwe liklik long W.H.P. Tasol mi harim long siti o taun olsem Hagen, Lae, Mosbi o long olgeta hap bilong PNG, ol man i raun long biknait. Na ol i save stilim bas, pulim meri, brukim stua, kilim man long poket naip na mekim kainkain pasin insait long siti o taun. Mi ting em i no gutpela pasin ol bin mekim insait long kantri bilong yumi.

Mi ting em i gutpela toktok bilong praim minista bilong yumi i bin toktok insait long palamen. Mi laik ol memba bilong yumi i kam bek long wanwan provins bilong ol yet na tokim ol kain man olsem ol bin raun long biknait olsem ol raskal.

Em tasol na yu husat supotim mi orait rait igo long Wantok Niuspepa.

Leo Tambu,  
W.H.P.

### Nes Givim Sut

Dia edita - Hia nau mi laik autim wari bilong mi. Wari bilong mi i go olsem.

Mi save lukim planti man ol i save go long haus sik long kisim sut o marasin. Taim ol i go kamap long autpesen, na ol sista i raitim kat wantaim wanem kain sik em i gat. Bihain em i go insait long ples bilong kisim marasin. Na ol nes i tokim em, bai yu kisim marasin pastaim orait yu go long narapela rum bai yu kisim sut.

Taim man i go insait na bihain nes tu i go insait. Na nes i tokim em, lusim trausis i go daun. Na man ia i pulim trasis i go daun na em i save olsem em i inap spes long kisim sut. Tasol, nes i tokim em, surukim liklik moa i go daun. Na man ia i surukim moa i go daun. Bihain nes i kirap na em i pusim strong i go daun.

Olsem wanem, ol nes i laik lukim as bilong ol man tasol o olsemwanem? Man em i gat save, em i gat save taim em pulim trausis i go daun, em makim inap long ples we em i kisim sut. Tasol ol nes i laik traim long pusim nating hap trausis i go daun nating tru tambilo.

Ating ol i laik lukim wanem kain as ol man i gat olsem bai ol i go stori long

ol wanwok bilong ol. Long mi yet tu, ol nes i bin wokim olsem long mi wanpela taim na mi gat bel hevi long dispela pasin.

Sapos yu husat brata yu ting em i tru long yu, orait sapotim tok tasol i go long Wantok Nius. Sapos yu husat susa yu nes orait yu ting em i giaman tok, orait rait tasol long Wantok Nius pepa bai mi ken lukim. Em tasol tenk yu tru.

Moses Winka,  
Nimbogu/Is Sepik

### Buk i Stap

Dia Edita - Em hia mi laik bekim sampela hap toktok bilong brata ya Manfred Neukul long pas bilong em long Sarere, 10 Februari 1979. Long Wantok Namba 253. Yes brata yu no ken komplek tumas long mi. Taim mi stap long skul, mipela go long Laibreri mipela save lukim ol piksa na stori bilong ol Hailans tasol na i no bilong mipela tasol.

Ating mi save liklik olsem em long Nambis mipela lukim ol buk bilong ol Hailans long wanem? Em bilong save long laip na histeri bilong ol. Na yupela i lukim buk bilong mipela em tu i olsem bilong save long laip na histori bilong mipela na wanem kain ples, pasin, taun ol pipel na bilip bilong mipela.

I no long yupela tasol i wankain long mipela nambis i lukim buk bilong ol Hailans. Yu no ting maus tasol toktok na soim ol piksa long blakbot bai yu save gut. Olsem na ol i mekim ol buk bilong dispela kain pasin bai yu ken kisim gut save.

Sapos yu laik lukim ol miks buk, orait yu go long Pablik Laibreri o Haus Buk long Port Moresby na lukim. Na yu no ken ting no gat buk tru long haus buk

bilong yupela. I mas i gat sampela i stap. Tasol ating yu laik krosim ol manmeri bilong Ifomesen Opis tasol ya, laka, wantaim ol manmeri bilong Nambis.

J.K. Yalang,  
Madang.

### Maski Movi Nogut

Dia Edita - Mi wanpela Komiti na mi makim ol Katolik Komyuniti hia long Mosa Faktori long Kimbe insait Wes Nu Briten i kamap long Wantok Niuspepa long autim wanpela wari i kamap long dispela kantri.

Mipela ol Katolik long Mosa i no laikim tru ol kain piksa nogut i kamap na giaman lotu bilong yumi. Wanpela movi ol i bin lukim na insait long dispela movi i gat planti ol man i dring na spak nabaut long hotel na i mekim ol kain toktok nabaut na pait i kamap. Insait long dispela movi tu i gat ol sampela meri i bilas olsem ol sista na dring long pablik na spak nabaut.

Taim ol man na meri i lukim dispela movi ol i toktok olsem em ol lain lotu Katolik i spak insait long dispela movi na i mekim ol pasin nogut.

Yes ol brata na susa sapos bilip bilong yu i strong insait long yu na long ai bilong God bai yu no inap tok baksait long narapela lotu, long wanem bilip bilong yu i tok olsem maski yu bilong wanem kain lotu, yumi olgeta i adorim wanpela Papa tasol, em God Tri Wan. Maski long tok baksaitim poroman lotu bilong yu na tok nogutim em long wanem yumi bilong wanpela Papa tasol na i gat wanpela bilip tasol.

Mi askim nau Melanesian Kaunsil ov Sios na tu long Gavman long toktok strong long stopim ol kain movi olsem i kamap long dispela kanti, PNG.

Mosa Katolik Komuniti  
Kimbe.

## BAIM WANTOK

Sapos yu laik kisim Wantok niuspepa olgeta wik inap long wan yia stret, yu salim nem na adres bilong yu wantaim K8.00 i kam long:

**WANTOK BOX 1982 BOROKO**

Long go long Australia em i K14.00.

Long Yurop na Amerika: K18.20 (long sip)

K 24.00 (long balus)





*Poto i soim Hekoi Igo (sindaun long raithan) wantaim brata bilong em Mea Igo. Hekoi i laik go we, oltaim brata bilong em i mas bringim em.*

## Nau Mi Aipas

Long de namba 23 bilong mun Mas long yia 1977 Hekoi Igo bilong Hanuabada Viles long Port Moresby i go aipas. Tupela ai bilong em i pas, long wanem em i bin dringim sprit. Na 5-pela arapela yangpela wanples bilong em i bin dai long dringim sprit yet . . . na wanpela moa tude i aipas na mauspas. Ol dispela i bin kamap long wanpela nait tasol.

Tude – bihain long tupe-la yia – Hekoi i no ken sarap moa. Nau em i laik tokaut long ol arapela yangpela man olsem: brukim lo na dringim sprit, em inap mekim save long yu tru.

### Stori bilong Hekoi

Hekoi i stori olsem: “Long wanem Tunde long apinun mi wantaim kandere i bin go long Papuan Hotel bilong dringim sampela bia. Mitupela i kam bek pinis long ples na wanpela pren askim mi long go long liklik ples Taura insait long Hanuabada. Hia bai mitupela i ken dringim sampela moa bia.

“Long dispela taim mi spak liklik, olsem na mi no save gut mi bin mekim wanem samting. Tasol long neks de mi bin painimaut olsem, wanpela pren bilong mi i bin dring wantaim mi long Taura i bin dai, long wanem em i bin daunim sampela sprit. Nau mi pret na mi kalap nogut. Mi save pinis mi tu mi bin dringim sampela sprit.

“Mi guria nogut tru nau. Bikpela trabel i bin painim mi. Tasol mi no inap tokim papamama. Mi sem tumas. Mi askim ol tasol

long bringim mi i go long haus sik.

“Orait long dispela nait long haus sik, mi kamap aipas.”

### Kamap Aipas

Inap 2-pela yia nau Hekoi i save sindaun i stap long haus bilong em long Hanuabada. Em inap wokabout insait long haus. Tasol sapos em i laik i go ausait lukim pren, em i no inap. Em i no ken lukim rot. Smolbrata bilong em, Mea, i mas holim han bilong em na soim rot long em.

Hekoi i wok long skulim em yet long pasin bilong ritim ol buk ol i save printim bilong ol aipasman. Dispela kain rait i kamap olsem planti liklik buk long pepa, na aipasman i pilim long pinga na em inap rit olsem. Hekoi i gat wanpela liklik taiprait bilong raitim dispela kain tok bilong ol aipasman, em ol i kolim Brel.

### Skul Gen

Bipo Hekoi i painim dispela birua long wanem em i dringim sprit, em i wanpela yangpela man i gat gutpela wok na gutpela sindaun. Em i winim fom 1 na 2 long Badihagwa Haiskul na fom 3 na 4 long

Port Moresby Teknikal Koles. Hia em i bin skul gut tru long wok kamda. Inap 5-pela yia em i aprentis long Pablik Wok Dipatmen. Na taim Hekoi i gat 23 krismas tasol, em i inspekta bilong ol haus ol wokman i fiksिम pinis.


Bilong em yet, Hekoi i tok moa olsem: “papamama bilong mi i amamas long mi na tupela i hangamap long mi. Long wanem mi wanpela tasol bilong ol bratasusa i bin winim fom 4.

### Stori i mas go aut.

“Mi save tingting i go bek long gutpela taim bilong mi. Bipo mi no man bilong trabel. Nogat. Mi save sindaun gut na mi laikim tumas mekim papamama i hepi. Taim mi spak tasol, mi save kamap narakain. Mi laik pait wantaim ol pren na mi save kros wantaim mama.


“Mi laik bai ol arapela yangpela pipel i harim gut tok bilong mi. Mi kisim save pinis. Mi bagarap pinis. Na mi no laik bai ol tu i bagarap. Strongpela dring i bagarapim laip bilong planti man. Mi laik bai ol yangpela pipel i mas tambuim ol yet long dringim sprit na ol arapela kain dring nogut.”

## Namatanai Pawa



*Poto i soim ol wokman long wara Sobun Mini klostu long Namatanai. Ol i wokim kes bilong semen. Taim ol i wokim semen pinis na putim ensin bai ol pipel long Namatanai taun na ol ples klostu bai kisim pawa long wara tasol. Taim wok i pinis bai gavman i pasim haus pawa long Namatanai.*

## PROVINS NIUS



*Wanpela poro long Sepik i mekim save long mambu. Taim em i winim mambu em i paitim kundu wantaim.*

# MITSUBISHI COLT

COLT  
GO HET  
LONG PNG




# TOBA

PTY. LTD.

Moresby  
25 6888  
Lae  
42 2611

ka  
bilong  
tude




3-pela  
o  
5-pela  
dua




stail bilong tude smatpela,  
strongpela ka, baim long Toba


Mekim kaikai bilong famili i swit moa.



Putim liklik HOLBROOKS KARI PAURA long kaikai bilong yu.



Tanim wantaim kaikai.



HOLBROOKS KARI PAURA – yu ken baim long 20t long ol stua.



Oi famili bai amamas tru. Traim na save.



SSB/RCE/BOCP



Namba 3 kibung bilong ol Not Solomons Kaunsil bilong ol Meri i kamap pinis long 20 Februeri na i go inap long 22 Februeri. Presiden bilong kaunsil, Misis A. Kuk, i opim miting. Hia em sampela toktok ol i kamapim long miting.

Long taim olkain developmen i bin kamap insait long Not Solomons Provins, ol meri i bin painim hat tru long kamapim wok bilong ol yet. Em long wanem, ol komyuniti gavman i no wok bung wantaim ol meri, na tu wan wan sios grup i no wok wantaim ol narapela sios.

Tasol ol meri i ting, olkain grup bilong ol meri i mas wok wantaim olsem ol pipel bilong Not Solomon na Papua Niugini stret. Na tu Asosiesen bilong ol Meri i mas yusim opis bilong ol long autim belhevi bilong ol, bai Gavman i ken wok long en na traim painim we bilong stretim ol trabel.

Not Solomons Provinsel Gavman i tok, ol meri i gat pawa o strong olsem ol man. Na dispela i miñ olsem: Wanem samting Gavman inap mekim long ol man, Gavman i mas mekim wankain tu long ol meri.

Nau planti pipel i pilim pawa bilong Provinsel Gavman. Planti pipel i no amamas tumas, tasol i gat planti pipel i orait long Provinsel Gavman. Gavman i no mas mekim olgeta samting. Nogat. Ol pipel tu i mas mekim sampela samting i gutpela long helpim Gavman bilong ol yet.

Em i tru olsem planti manmeri i save tok mipela i laik helpim Gavman, tasol Gavman i no save harim ol toktok bilong ol. Na tu Gavman i no save mekim wanem samting ol pipel i laikim long en. Nogat tru.


Long bekim tok, ol meri i mas raitim olgeta wari bilong ol long hap pepa na givim long Minista i save stretim olkain wari. Tasol pastaim Memba bilong ol i mas save long ol dispela wari, na bihain Memba ya i ken askim Minista i save bosim dispela wok.

# PES BILONG OL MERI



# Ol Buka Kibung

Frank Mihalic i raitim



Ol meri i sindaun long kibung long Arawa White House (Wait Haus).



Link take-up lever for perfect stitching.

Automatic bobbin winder.

Stitch length lever and reversing control.

Drop feed for darning and embroidery.

**PREN BILONG YU INAP OLTAIM**

## KUKIM GUTPELA KAIKAI


KARI MINS WANTAIM RAIS

Ol samting yu mas i gat:

1 tin kari mins; sapos i gat long ais, i orait tu Arhan liklik spun tomato sos liklik spun blak sos  
1 kap rais i tan pinis hap kap chis

Rot bilong wokim:

1. Abusim olgeta wantaim, sapos i gat tin mit. Sapos i gat mit ais, orait praim long gris liklik taim tasol na abusim wantaim ol.
2. Grisis dis putim kaikai.
3. Dilim sis nabaut antap.
4. Kukim long stov liklik taim.



# LUKIM MANI KAMAP BIKPELA

- Long Pas Buk Bilong Yu
- Long Mani Yu Putim Long Beng


Mipela was gut long moni bilong yu **Wales**




**Bank of New South Wales (PNG) Ltd.**

# PINE-O-CLEAN


Rausim ol jerm long haus bilong yu



Jerm i save kamap long olgeta hap. As ples tru bilong em haus kuk.



Oi baret na hul inap kamapim sik. Kapsatim liklik Pine o Klin bai yu mekim save long ol jerms.



Oi toilet tu yu ken klinim long Pine o Klin. Kapsatim liklik long toilet na larim i stap.



Jerm i stap long olgeta ples doti. Klinim haus long Pine o Klin. Klinim plua long haus kuk na toilet long Pine o Klin. Putim Pine o Klin long baket wara na klinim plua. Pine o Klin i save kilim indai ol kain kain jerm long haus.



**Yu ken kisim long olgeta bikpela stua na tred stua**



# Sande Lotu

Frank Mihalic i raitim

## SANDE BILONG OL PALMEN . . .

Gutnius i kam long Luk 19: 28 – 40 – Epril 8.

Long stori bilong lotu tude yumi lukim bikpela lain pipel moa i go bihainim Jisas na i singaut amamas na i hipure na i hepi. Ol i wokabaut belgut. Ol i pilim ol i win pinis. Ol i bin painimaut gutpela bikpela lida bai mekim gut tasol long ol.

Tasol em i pasin bilong bikpela lain pipel. Ol i no save tingting tru. Ol i bihainim tasol ol arapela pipel. Orait, yu wet. Yu lukim nau: toktok amamas na singaut amamas bilong dispela lain pipel bai stap inap hamas taim? Insait long wan wik dispela lain pipel bai kilim Jisas i dai.

Olsem na dispela manmeri, tude yumi tu i holim han diwai, han palmen na yumi singsing na yumi wokabaut mas i go wantaim Jisas. Tasol dispela pasin amamas, dispela pasin bilong bihainim Jisas, bai stap inap hamas taim? Bai yumi bihainim Jisas i go inap we? Inap long lotu olgeta Sande? Inap long kisim ol sakramen? Inap long go longwe long gelpren o boipren i pulim yumi long rong? Inap long tambu sampela de long bia o buai o smok?

Tude yumi save karim hap palmen, o han diwai yumi bin karim long prosesio na yumi bringim i go bek long haus. Yumi save hangamapim long banis bilong haus, o klostu long dua bilong haus, o insait long rum bilong yumi. Em i olsem plak na mak, na em inap tokim ol manmeri olsem: "Mi bin stap long lain na wokabaut wantaim Jisas long Sande bilong Palmen." Em i wankain olsem manmeri i putim Ti siot i gat tok long en.


Tasol lukaut. Bihain long sampela de dispela han diwai, han palmen bai i drai na ol lip bilong em i laik pundaun. Nogut tok na promis bilong yumi i wankain. Nogut yumi lusim tingting long dispela de na dispela promis kwiktaim tumas. Mobeta yumi bihainim olgeta de – na em i olsem yumi putim han diwai long botol wara na lip bilong en i stap longtaim moa.

Yumi no lusim tingting long dispela pasin bilong Sande bilong Palmen, dispela pasin bilong wokabaut mas wantaim Jisas. Yumi mekim gut, yumi smat long bihainim Jisas. Long wanem i no gat wanpela lida bilong graun i gat 700,000,000 pipel i bihainim em tude yet, bihain long samting olsem 2000 yia. Bikos planti pipel hia long PNG i bihainim dispela Lida Jisas na ol aidia bilong em, ol i bin kam long PNG . . . ol i bin givim laip long mekim go het PNG . . . inap nau ol i ranim planti skul na haus sik. Olsem yu ken lukim: Jisas i win tru olsem lida. Em i gat bikpela strong bilong pulim manmeri i bihainim em.

Yumi ken win tru olsem disaipel bilong Jisas, sapos yumi bihainim tok na lo bilong dispela lida. Yumi bihainim lida tru, sapos yumi wari na taitim bun long bihainim laik bilong lida. Yumi mekim olsem o nogat?



Plis ban wokabaut mas long Melbourne long Mas 12



FANTA IS A REGISTERED TRADEMARK OF THE COCA-COLA COMPANY

HRME 015 6366

**GRAUN  
BILONG  
PROMIS**



**60 t**

Ol Stori bilong Moses, Eron, Josua, Rehap, Ekan, Gidion, Samson, Rut, Ilai, Samyuel, Sol, na Devit i stap hia. Sampela Stori bilong Baibel i kamap olsem komik stret. Dispela bai i mekim klia tru long man i laik ritim stori na soim piksa long famili. Ol pikinini bai i laikim. Ol papamama bai i laikim. Ol studen bai i laikim.

**Yu ken baim long Kristen Buk Sop.**



**TOK  
SAVE**

I go long Mista na Misis Meick Marisoton Yabari long Maunt Hagen taun. Mi laik toksave long yutupela olsem. Mi bin kisim pinis pas bilong yutupela na mi traim traim na mi laik bekim pas bilong yutupela tasol olgeta pas bilong mi i go paul paul na kam bek gen long mi. Olsem na mi yet painimaut olsem pastaim yutupela i bin givim mi rong adres. Olsem na mi laik tokim yutupela olsem. Yutupela i mas sekim gen adres bilong wanem kampani yutupela i bin wok long en na raitim gut na salim i kam long dispela adres. Benjamin Yapson, A.C.O. Corr. Inst. Service, Box 33, Wewak.

I kam long Misis Jacinta Kadona. Mipela ol memba bilong Katolik Mama Klab bilong Gordon i laik tok tenkyu long man bilong mipela na ol kuskus long Gordon Plis Baraks na Boroko husat i helpim mipela long painim mani long helpim Famili Sevis long Loreto.

**Tok Save  
Box 1982  
Boroko**

**BOROKO MOTORS**

**SAPOS YU GAT WOK-TINGIM FORD**




**Tractors  
Equipment**

Yu ken lukim nupela FORD TRAKTA long BOROKO MOTORS long olgeta hap bilong Papua Niugini. Na yu ken baim long Arawa Motors, na Sepik Engineers, na long Kimbe Bay Shipping, na Highlands Heneni Goroka, na Higatura Motors Popondetta.




**OL MEKENIK BILONG  
MIPELA INAP FIKSIM  
FORD  
LONG OLGETA HAP**

Mipela i gat planti spea pat na mekenik.





**GET  
LONG-LIFE**



**GET  
maxell®**



HAGEMEYER (PNG) PTY. LTD., PT. MORESBY, LAE, MT. HAGEN, WEWAK, MADANG, RABAUL.

GS-HM 37





# Bikpela Kot long Menyamya

*Tupela brata sanap i stap. Tupela i saveman bilong lo. Lephah Camillus Narakobi i wok long helpim plis long kot. Raithan Bernard Narakobi i wok long helpim ol pipel.*

Nem bilong mi Nonogwo. Mi kam long ples Umba. Long yia 1977, mi stap kalabus long Menyamya. Wapela de mi wok wantaim sampela arapela man long opis bilong plis. Planti manmeri i stap.

Wapela plisman i kirap na pulim stik bilong mi na narapela i kisim hap pitpit na paitim stik bilong mi. Narapela gen i kisim han diwai na paitim mi. Mi gat bikpela sem long wanem planti manmeri i sanap was i stap.



Mark Baker kisim poto


Nem bilong mi Yamno. Mi kam long ples Samjajo, klostu long Menyamya. Long yia 1978 mi belhat tru, long wanem meri bilong mi i pren wantaim wapela man. Na mi kirap paitim meri bilong mi long naip. Long wanem mi belhat tru.

Bihain mi sori tru long meri na mi go ripot long plis long Menyamya. Tasol plis kirap kisim naip bilong mi na katim lek bilong mi.

Planti manmeri i kam was long dispela taim plisman i katim mi. Plisman i mekim olsem na em i kisim nil na sutim i go insait long bol bilong mi. Mi bagarap i stap. Mi gat bikpela sem tru long wanem

ol i mekim long ai bilong ol manmeri.

Bihain plis i kotim mi na salim mi i go long kalabus long Buimo long Lae inap long tupela mun.



Nem bilong mi Ampno. Mi kam long ples Aiwamba. Long 1978 mipela i wokim wanpela pati long Umba Komuniti Skul. Long taim bilong pati mi wokabaut klostu long wanpela paia, na wanpela kiap i sindaun

klostu long dispela paia. Mi no tingim tasol mi kikim wanpela liklik hap paia na paia i paldaun klostu long kiap. Kiap i kirap krosim mi na paitim mi. Bihain mi laik askim em long dispela samting na

em wantaim wanpela tisa tupela i kirap paitim mi. Ol i pasim han lek bilong mi long waia na ol i wok long paitim mi inap mi dai. Mi kirap pinis tupela i wok long paitim mi gen. Mi dai long namba tu taim. Mi kirap gen na tupela i wok long paitim mi gen. Mi dai long namba tri taim. Na long dispela taim tupela i ting mi dai olgeta na tupela i ranawe.

*Ol Kukukuku sanap long Menyamya stesin.*

Ol Kukukuku, i sindaun long maunten namel long wara Markham na nambis bilong Papua.


Namba wan lain waitman i kam lukim Kukukuku long 1930. Ol i lukautim gol long ol dispela maunten. Long 1951 gavman i wokim stesin long Menyamya insait long Morobe Provins. Tasol inap nau i nogat planti developmen long dispela stesin. Wan wan tasol i save skul na i no gat planti manki i go long haikul na koles.

Memba bilong Palamen bilong Menyamya em Mista Neville Bourne. Em i wanpela misinari na i kamap long Menyamya long 1969. Inap nau em i wok wantaim ol pipel long helpim ples i go het. Em i save tumas long tok ples na ol pasin bilong ol.

Mista Bourne i tok "Inap tripela ten yia nau ol manmeri hia i pret tru long ol kiap na plis. Ol kiap na plis i mekim planti rong long ol na ol man i kisim nem nogut olsem bikhet man. Tasol em i asua bilong kiap na plis. Ol i save paitim nabaut man na bagarapim meri bilong ol. Tasol ol kiap na plis i no pret, bilong wanem ol Kukukuku i nogat tok man bilong helpim ol."

Olsem nau mipela kirapim bikpela kot long tokaut long ol dispela trabel na kotim ol kiap na plis i mekim trabel.

*Neville Bourne, Memba bilong Menyamya, toktok wantaim ol man i laik go witnes long kot*



Nem bilong mi Ganopigogwo. Mi kam long ples Umba. Long yia 1977 meri bilong mi i pren wantaim wanpela man bilong narapela lain. Mi lukim na mi kirap bekim. Mi pren wantaim meri bilong dispela man. Bihain tupela plisman na wanpela man bilong tanim tok, ol i kam kotim mi.

Wapela plisman i paitim mi, na pasim mi long hankap. Bihain, wanpela plisman sutim brus bilong mi long wanpela spia. Narapela plisman i paitim mi strong tru long hap diwai bilong akis.

Bihain ol i kisim mi i go long Menyamya stesin na ol i kalabusim mi inap tripela wik olgeta. Tasol ol i no kirapim wanpela kot. Tripela wik pinis mi go bek long ples.





Nau planti ol hap long kantri ol i kolim Afrika, i tingting long bung wantaim long pinisim dispela Gavman bilong Presiden Idi Amin. Gavman bilong Idi Amin nau i bosim kantri Uganda long strong bilong em yet, na wantaim ol lain ami na plis bilong em.

Presiden Amin i bin bosim Uganda inap long 8-pela yia olgeta, long taim em i holim wok olsem presiden. Long dispela taim, i bin i gat planti manmeri bilong Uganda na ol arapela kantri i dai nabaut na lus, taim ol i wok aninit long Gavman bilong Idi Amin.



Long Uganda, Presiden wantaim ol lain ami na plisiman bilong em i save bosim kain kain wok. Long dispela tasol, planti manmeri bilong Uganda i ranawe na hait nabaut long ol kantri ol i kolim Tanzania na Kenya, klostu long Uganda. Na tu ol i ranawe i go long Amerika na Ingran.

**Kisim Pawa Long 1971**

Long yia 1971, Presiden Amin i bin kisim pawa long bosim Gavman bilong Uganda, em long taim em i daunim Gavman bilong Dokta Milton Obote, husat i bin stap Presiden bilong Uganda long dispela taim.

Long dispela taim, Dokta Obote i bin ranawe long Uganda na nau em i stap long kantri Tanzania, klostu long Uganda.

Long wanpela kibung long biktaun Nairobi, long kantri Kenya, planti lida na tokman bilong ol pipel husat i ranawe long Uganda na nau i stap long Afrika, Amerika na Ingran i tok promis clsem: Ol bai bung wantaim na bagarapim olgeta samting long Uganda na autim Presiden Idi Amin. Taim ol i autim Amin, bai ol i makim nupela lida long ranim gut kantri na mekim i go het.

**Bung Wantaim Ami**

Long dispela yia ol ranaweman bilong Uganda i bin bung wantaim ami bilong kantri Tanzania, na mekim save tru o bagarapim Ami bilong Presiden Amin. Ol i holim pas pinis tupela bikpela taun, we ami bilong Amin i stap long en long Uganda yet.

Presiden bilong Tanzania, Julius Nyerere i tok, ol pipel bilong Uganda na

ol narapela kantri i no kening olsem, ol ami bilong Tanzania i pait wantaim ami bilong Uganda long traim kisim kantri na bosim. Nogat. Ol i pait long wanem, ol i laik rausim Gavman bilong Presiden Amin, na givim bek Uganda long ol pipel yet long ranim na mekim i go het gut.


**Planti Man Indai.**

Wanpela lain pipel nau i stap long kantri Zambia, i bin winim mak o boda bilong Uganda na kilim indai planti pipel husat i stap long ples Presiden Amin i kam long en, ol i kolim Nile. Long dispela tasol, Presiden Amin i wari tru. Long wanem, em i save Presiden Nyerere i birua tru na Amin i pret.

Amin nau i singautim ol kantri bilong ol Arab long helpim em, tasol ol i no laik. Pastaim Libya i laik helpim em tasol nau i luk olsem ol i no laikim Amin moa. Bilong wanem pastaim Presiden Gadaffi bilong Libya i ting i gat planti ol Moslim i stap long Uganda olsem em i wok long helpim ol wan lotu bilong em. Tasol nau Presiden Gadaffi i painimaut pinis i gat moa Moslim long Uganda olsem nau em i wok long grisim ol bikman bilong Tanzania.

# Idi Amin

Ben Skorpio i raitim





**Taim Bilong Train .....**

**PAPUA NEW GUINEA COFFEE**



# Wok Binen

Jocelyn Healey i raltim — D.P.I.

## Bisnis Bilong Binen

Nambawan man long statim bisnis bilong binen long Papua Niugini, em Mista John Swincer. Nau John i stap wantaim meri na ol pikinini bilong em long Moitaka, klostu long banis pukpuk long Moresby. John yet i bin kisim liklik save long wok binen, long taim em i liklik manki yet long taun Adelaide, long Australia.

Bipo PNG i nogat binen, tasol ol misinari yet i bin bringim binen i kam long taim ol i kamap nambawan taim long PNG. Taim John i stap wok long Hailans em i painimaut olsem i gat sampela binen i stap long planti hap long Maun Hagen.

Olsem na long dispela taim, John i askim ol pipel long helpim em na holim pas smapela binen. Taim Opis bilong Bisnis Development i lukim wok bilong em, ol i amamas tru na tu ol i askim em long mekim go het wok binen.

### 50 Tausen Binen

Long yia 1975, Dipatmen bilong Praimeri Industri i kisim John na ol binen bilong em i go insait long lain bilong ol. Na long dispela taim yet, John i mekim moa haus binen inap tu handet (200) samting. Na insait long wan wan haus i gat 50 tausen binen.

Long Oktoba 1975, i askim New Zealand (Nu Silan) Gavman long salim wanpela saveman bilong wok binen. Em long wanem, wok binen long Hagen i kamap gut tru long Hailans. *New Zealand Foreign Affairs* (Nu Silan Foren Afeas Dipatmen) i orait long dispela askim, na i salim wanpela saveman long wok binen i kam long PNG. Taim saveman ya i lukim wok bilong John, em i tok John em i wanpela gutpela man long wokim binen bisnis.

### 500 Haus Binen

Long dispela tasol, long yia 1976, Gavman bilong PNG na New Zealand i wok wantaim long mekim wok binen long PNG i go

het, na i kamapim faiv handet (500) haus binen olgeta. Na tu New Zealand i salim wanpela saveman long lukautim binen i kam wok long PNG inap long 2-pela hia. Na tu New Zealand i salim 500 mama binen i kam, na ol dispela mama binen i save kamapim bikpela haus hani.

### 1978 Gutpela Yia

I gat sampela samting i narakain liklik long wok binen. Ol mama binen i save stap inap long 2-pela yia olgeta, tasol ol binen man i save stap inap long 6-pela wik tasol na dai. Long yia 1977, ol binen i no kamapim planti hani. Em long wanem, i gat planti ren na tu ol palaua i no karim planti kaikai, olsem na ol binen i no kamapim planti hani.

Tasol long yia 1978, i gat gutpela taim long PNG olsem na palaua i karim planti kaikai bilong ol binen long kaikaim.

### Rokrok Kaikai Binen


Em no gutpela tumas long lukautim binen klostu long nambis, em long wanem, i gat repela anis na rokrok i stap. Ol dispela tupela samting i birua bilong ol binen. Olsem na sapos ol i laik wokim haus binen, bai ol i mas wokim antap i longwe long graun. Nogut ol anis na rokrok i kaikaim ol binen.

Bipo ol saveman i katim bel bilong wanpela rokrok na painim 50 binen olgeta insait long bel. Na tu wanpela samting i nogut, em sapos i gat planti wara, bai ol binen i no inap long kamapim planti hani.

### Hani long Haus Tabak

Dispela hani bilong PNG i nambawan tru, na tu i winim ol hani bilong ol narapela kantri. John i tok, nau ol i save salim i kilogram hani long K1.00 na sapos ol i baim planti, em inap long 80 toea long wanpela kilogram.

Ol dispela hani ol i save salim i go long Pablik Helt Dipatmen long wokim kus marasin. Na tu ol i save salim i go long Fud o Kaikai Marketing Opis, na Marketing Opis yet i save salim hani ya long maket. Na tu ol i save salim long tabak faktori long Goroka, long wokim smok.



*Joackim Wangla wanpela wokman bilong binen fam long Moresby*




*Joachim Wangla na Dalie Fine sekap long haus binen.*



# bikpela lek



lik lik lek



# KAYDEE lek!

Kaydee sandal emi smatpela bilas bilong lek belong yu.  
baim long olgeta stua. Emi smat tru.

HAGEMEYER (PNG) PTY. LTD., PT. MORESBY, LAE, MT. HAGEN, WEWAK, MADANG, RABAUL.

GSHK 36

**Air Niugini  
helpim go het  
bilong  
Kantri**



**FAST  
COMMUNICATION**

**AIR NIUGINI** 



# Kaunsila TRAIM



HE OL WANTOK... MASKI  
TOKTOK NA MAUSWARA  
PLANTI. EM I NO  
SAVE MEKIM SAMTING  
KAMAP... YU MAS  
GO TRAIM. NA  
MEKIM.

RABIS SLIPA!  
GAT WOK  
BILONG EM

BILISO



HE MAUSWARA!... YU  
MEKIM WANEM?

HALO TRAIM, MI  
TROMWE RABIS SAMTING  
TASOL.



HE! EM WANEM  
SAMTING YA!

EM OL OLPELA SLIPA  
TASOL NA BRUK PINIS



NO KEN TROMWE... MI  
GAT WOK BILONG EM.

WANEM KAIN WOK?  
LONG KILIM OL LANG  
WANTAIM? HA! HA!



MI SAVE LONG WANPELA  
WANTOK, I NO GAT SAMTING  
LONG PASIM ROT BILONG  
WARA LONG EM.

YU LONGLONG, YU NO  
INAP LONG PASIM ROT  
BILONG WARA LONG  
SLIPA!



YESA, YU INAP  
PASIM LONG LIKLIK  
HAP BILONG EM.

OKE TRAIM... YU  
SOIM MI LONG EM.



KISIM WANPELA NAIP NA KATIM  
LONG NAMEL, OLSEM.... BIHAIN, KATIM  
TUPELA ROP BILONG EM LONG HAP  
TUPELA I KAM JOIN... NAU YU I  
GAT HENDEL BILONG EM....



NA, YU MAKIM NA KATIM STET  
OLSEM, INAP LONG SAIS  
BILONG HUL.



EM NAU, YU NO BAIM... YU  
WOKIM WANPELA PINIS.

OLOBOI! EM  
FIT STRET YA!

... EM WANPELA  
WE TASOL LONG  
MEKIM GUTPELA  
SAMTING LONG  
OL PIPIA SAMTING.

SAPUS YU LAIK SAVE MDA, ONE  
KATIM PAS I KAM JOIN:  
CI-SRA T.F.  
P.O. BOX 6937,  
BOROKO.



Nes Mas Smat

Dia Edita - Wampela pasin mi save lukim long Lae long Angau Haus Sik, i no stret long ai bilong mi. Ol sikmanmeri na tu ol lapun papamama tu.

Dispela pasin em i olsem, wok bilong ol nes ol save wok 6 klok i go inap 12 klok nait ol save olsem sampela taim ol bikpela manmeri o ol pikinini i sik nogut tru olsem skin i hat, klostu i laik dai o sampela ol save i kam longwe ples olsem 7 mail o Bumayong na Taraka West na East. Ol i laik hariap long kisim marasin na i go bek long ples.

Tasol dispela taim ol nes i no save hariap long givim marasin o sut. Nogat tru. Em bai i kam wok liklik ranawe i go insait long narapela rum i stap i go i go olsem wan aua o tri aua pinis em i kam gen long ples bilong givim marasin. Wok liklik, kirap i go insait long narapela rum gen.

Na tarangu ol sikman meri na ol pikinini wet nating long ples bilong kisim marasin inap 3, 4, 5 aua i go nating. Ol i mekim dispela pasin nogut na sampela sikman meri ol i kam long longwe ples ol save painim hat tru long i go bek long ples bilong ol.

Long wanem em i asua bilong ol nes ol i no save smat long wok ol save wok olsem skin indai pipel. Sampela manmeri ol no gat inap mani long baim teksi na pmv na bas long i go i kam bek long haus sik. Sampela taim no gat spes long sikman bai slip long wod.

Dispela pasin planti ya mi save lukim i kam i kam inap nau. Husat dokta o nes o sista i no save givim gutpela tingting long ol dispela nes. Olsem na ol nes ol save mekim hambak pasin tru long ol sikman na meri na tu ol save kisim

mani nating long gavman. Wok bilong ol i no smat.

Ol nes bilong sampela provins, ating ol save bihainim gut wok bilong Jisas. Ol bilong Morobe Provins mi lukim i no stret long ai bilong mi.

Em tasol. Husat wantok yu lukim i no gutpela long tingting bilong yu. Orait, rait tasol i go long opis bilong yumi Wantok Nius. Na bai mi ken lukim.

Oti T. Hen,  
West Taraga/Lae

## Nekles em Promis

Dia Edita - Nau mi laik bekim pas o sapatim pas bilong susa ya D. Cyprian, Dagua/Wewak. Long Sarere, 27 Januery 1979. Em i bin bekim pas bilong J.J. Wari long Kimbe na toktok long bis na nekles bilong ol Noten na Milne Bay Provins.

Sori tru J.J. Wari long Kimbe. Ating mi laik askim yu wanem samting tru i mekim yu jeles. Harim, a? Maski yu husat meri long Noten em yu marit long narapela hap long PNG i wari long nekles em ol meri long narapela provins i putim.

Yu save olsem planti ol man bilong ol Noten i save marit nambaut long arapela provins. Na em boi ya i gat laik long meri ya. Na em i givim nekles long em. Na yu arere i no ken tok bilas nating. Sapos em i man bilong yu, ol meri long narapela provins i kisim. Orait, yu ken jeles o tok bilas long ol.

Sapos em i singelman, mobeta mi tokim yu olsem, sori tru. Sapos em i boipren bilong mi. Na mitupela i promis long marit. Em i bilong mi, okei? So mi wampela bilong ol meri i save putim nekles bilong ol Noten. Em i promis bilong boipren bilong mi i orait.

Sapos yu gat kros, orait, rait tasol i go long Wantok Niuspepa. Bai mi ken lukim. Tenkyu.

J. Berike,  
Wewak.

## No Grisim Man

Dia Edita - Mi gat wampela wari bilong mi i go olsem. Mi bin lukim pasin bilong wampela sios i stap long Nakri i no stret. Mi askim masta long stretim mota tasol em i tok, yu i

no stap long sios bilong mi.

Sapos yu stap long sios bilong mi bai mi ken stretim mota bilong yu. Dispela kain pasin mi ting em dispela sios i kalapim rot bilong Jisas Krai. Mi ting dispela kain tok bilong grisim man long go long sios bilong em.

Sapos yu wari, kam lukim mi long Amaki. Tenkyu.

Timothy Bujepok,  
Ambunti/Is Sepik

## No Ken Lusim Sios

Dia Edita - Plis givim liklik spes long mi laik autim wari bilong mi long Wantok Niuspepa. Wari bilong mi i go olsem. Wampela brata bilong mi em i raitim pas long wampela wanskul bilong mi na em i tok lusim Katolik Sios na joinim ol narapela sios. Olsem na mi laik autim sampela tok long em long Wantok Niuspepa.

Olsem na brata Endru, mi laik askim yu. Yu ting wanem na yu tok long lusim Katolik Sios na i go long narapela sios. Yu ting wanem Endru, meri bilong yu em inap lusim yu na i go long narapela man o em bai stap wantaim yu inap em i dai. Man i kisim baptais long nem bilong Krai long Katolik Sios, em i marit pinis long em. Olsem wanem na joinim narapela sios gen. I luk olsem pamuk meri ya, laka? Ating yu wampela longlong man na yu kamap olsem pamuk man na sutim pas long man i bilip pinis long God. Nogat sem bilong yu, stret.

Man i gat het em i mas stap oltaim long sios bilong em tasol. Yu wampela longlong man na yu pasindia long ol sios nabaut na yu autim kain kain tok long Katolik Sios. Yu raitim dispela liklik pas long wantok ya em inap lusim Katolik Sios na joinim sios bilong yu, a?

Endru yu tok taim mi stap long Katolik Sios mi stil na kros tok nogut na pundaun long sin. Endru em i asua bilong husat, em yu yet tasol. I no Bisop o Pater o wampela sios lida i tokim yu long mekim sin, laka? Endru biket bilong yu tasol i mekim yu na yu sutim tok nating long ol gutpela sios nating.

Brata em i gutpela na yu

laik raun long PNG na tokautim long ol manmeri olsem mi lukim Jisas i kam long Heven na tokim mi long lusim olgeta sios na joinim sios bilong mi. Yu no laik tok olsem na mipela i ken kam long sios bilong yu. Brata yu save long sios histori bilong mipela katolik sios tu o nogat?

Endru yu mas gat het na grisim man ya olsem yu mekim nau. Sapos yu belhat, orait, plis yu rait i go long Wantok. Na bai mi ken lukim na pilim yu. Husat bratasusa i laik skrum tok bilong mi, em i orait na tu husat i belhat, rait tasol long Wantok Niuspepa. Tenkyu.

Paulus Waik Buka,  
Erave/S.H.P.

Salim ol pas  
i kam long:  
WANTOK  
BOX 1982  
BOROKO

## Bilong Not Solomons Tasol

Dia Edita - Yu inap givim liklik spes na mi ken autim wari bilong mi. Mi laik bekim pas bilong susa ya Hildai Meiwan em i tok ol Sepik ol i save paitim mambu bilong Madang long stringben.

Yes susa Hildai Meiwan. Husat tru em i tokim yu dispela toktok na yu putim kamap long Wantok Niuspepa. Mi tokim yu gut susa Hildai Meiwan. Dispela mambu yu tok long em. Em bilong Madang, em bilong Not Solomons yet.

Bipo ol Madang ol i no save paitim mambu long gita. Nogat tru ya susa. Ol Madang tu ol i bin kisim dispela taim mipela ol Not Solomons i paitim mambu wantaim gita bilong mipela long Madang. Ol Madang em long kundu tasol; nogat moa. Husat man o meri i gat kros, orait, rait i go tasol long Wantok Niuspepa na bai mi ken lukim.

John Lising,  
Korikunu/Not Solomons

## Daunim Spet

Dia Edita - Nau long dispela taim em i pes taim bilong mi long raitim wari

bilong mi i go long Wantok Niuspepa. Plis yu inap givim liklik spes long mi o nogat? Wari bilong mi i go olsem. Em wampela brata bilong Porgera/Enga em Mali Petale i bin tok long las yia i go pinis 1978.

Mi bin raun long Laiagam Maket na mi laik baim sampela kaikai long maket na mi tromoim han long trausis poket bilong em. Na ol yangpela meri bilong Laiagam ol i tok: Ei, pren. Apinun tru. Na ol i tok nau bai yu i go slip wantaim mipela long haus. Na ol i wok long bihainim mi na mi les tru long ol meri.

Brata Mali, yu bin tok olsem na mi askim yu. Yu bilong wanem hap tru? Yu bilong Rabaul o Moresby o wanem hap tru? Na yu save raitim toktok nabaut. Mi save yu bilong Porgera, yumi wampela ples na wantok. Mi wampela man bilong Mulitak nem bilong mi em Aimos Aiyu.

Mi bin i stap 7 yia long Laiagam i go long Mulitak, na i go i kam long Porgera long ol ka na nau mi risain. Na mi kam wok i stap long Bougainville Kopa. Yu save long mi o nogat? Ples bilong yu Porgera na ples bilong mi Mulitak, i no gat gutpela meri olsem meri long Laiagam. Nogat. Ples bilong mitupela meri olsem ka na teksi i no gutpela meri olsem long Laiagam. Ating yu daunim spet long meri Laiagam na mekim wari na seksek tok bilong yu i go long Wantok Niuspepa.

Sapos yu bilong narapela provins, orait yu ken tok olsem em i gutpela. Tasol mitupela bilong Laiagam tasol na yu seksek tru long ol meri Laiagam na tok. Yu nogat sem bilong yu tru. Traim na maritim wampela meri Laiagam. Nogut yu wok long daunim spet na spet i pulap long bel bilong yu na bai yu dai. Nogat sem bilong yu tru.

Brata yu ating wampela gutpela na naispela tru long ol Papua Niugini man na bai ol meri laikim yu. Na ol i bihainim yu. Sori tumas. Mi save Porgera em i bus ples na i no gutpela man olsem ol long arapela ples.


Em tasol na yu belhat, orait, yu kam antap long Wara Lagaip na yu dring bai bel bilong yu i kol.

Aimos Aiyu,  
Panguna/Not Solomons



# MAN PRET LONG...

# SUSU



Long bipo tru i gat 40-pela yangpela meri tasol i stap long namel tru bilong Indonesia na PNG long bikpela bus tru. Na long dispela taim i no gat ol man na ol i no save tingim i gat man na ol tu i no klia man em wanem samting. Na ol yet save tingim ol yet save i stap olsem yet. Long bipo tru i go yet.

Na ol yet save wokim

haus, mekim gaden, lukautim pik na olgeta wok i stap long han bilong ol yet. Tasol long wanpela taim wanpela yangpela meri bilong ol em laik tru long dring wara. Long wanem ol bin wokim wanpela bikpela gaden bilong ol na san hatim em tru na meri ya em lusim ol na i go long wanpela ples ol save dring long en.

Na wanpela yangpela naispela boi tru em wok long painim kapul long bus na em harim bikpela nois tru na em harim ol wok long lap na wokim gaden i go. Na boi ya tu i no save tingim i gat meri o man na em save ting olsem i gat kapul na muruk o ol kain abus bilong bus tasol. Na em yet save pilim olsem. Em yet save i stap long

bipo yet i go olsem. Tasol boi ya tu lusim ples bilong em olsem inap long 100 male samting na wokabaut i go long painim abus long hap bus.

Na taim em go kamap long dispela hap na harim nosi oslem em i go isi isi tru na sindaun na wok long lukluk na harim, harim tok bilong ol. Na em i kirap nogut tru long wanem em i no save lukim kain samting olsem long bus inap tru long bipo yet. Na em yet lukim skin bilong em na skin bilong ol, em wankain tasol. Tupela samting tasol em narapela. Long wanem ol i gat tupe-la longpela samting hagamap long brok bilong ol, em long susu na tok bilong ol tu em i no harim. Na em pret tru tasol em i no pret tumas.

Na taim em lukim meri go daun long wara long dring dispela boi ron i go daun na em sindaun long het bilong wara na taim meri putim maus bilong em long wara boi tanim olsem moskito na ron antap long wara i go na meri dringim pinis wantaim wara. Na taim em dring pinis em i go bek na wok wantaim ol long gaden. Orait long apinun ol pinis wok long gaden olgeta. Kirapim singsing na pulim longpela lain i go long haus bilong ol. Na Taim ol kamap long haus ol mekim bikpela kaikai na ol amamas wantaim na kaikai.

Tasol dispela meri em i no laik kaikai. Na em tokim ol proman bilong em na tok, nau mi gat bikpela pen kamap long bel bilong mi. Olsem mi i no inap kaikai. Na em wok



long slip tasol long wanpela rum inap long tupela wik olgeta. Na bel bilong em stat long solap na ol yangpela meri ol tok, yu kam autsait na mipela lukim yu. Na taim meri ya i go autsait ol lukim bel bilong em na ol kirap nogut tru long wanem ol i no save lukim samting olsem bipo. Na inap long 3-pela wik meri wok long krai long rum we em save slip long en. Na ol i go lukim em na em karim wanpela boi. Ol tu pret tasol ol wok long lukautim na boi em kamap bikpela liklik. Em yet kalap na pulim tupela susu na wok long dring. Na i no long taim boi kamap bikpela boi tru. Na smatpela tru.

Na boi maritim wanpela bilong ol na em kisim pikinini boi gen na taim olgeta yangpela meri lukim dispela ol meri to yu mekim olsem long mi na narapela i tok mi pastaim. Na ol wok long pulim boi i go kam na em givim bel long olgeta meri na sampela karim boi na sampela karim gal. Na nau yumi i stap planti tru i go.

Jackett Yaponai  
Enga Province

## TAMBU TORO



KOLE, YU KAM NA HELPIY MI. YU BAI RIDIM NIUS LONG MI.



MI SKUL LONG INGLIS TASOL. MI NO SAVE TOK PISIN....



MANI BILONG MI LUS NATING LONG SKUL TAKIS.... NA NAU EM I NO LAIK HELPIY MI....



# BAIBEL STORI

OL SOLDIA BILONG SOL I GO BEK PINIS NA ABNA, NAMBA WAN SOLDIA I BOSIM OL AMI, EM I KISIM DEVIT I GO LUKIM KING SOL.

DEVIT, YU BIN HELPIM OLGETA ISREL NA YUMI NO BAGARAP. OLSEM NA, NAU NA BIHAIN TU YU MAS I STAP WANTAIM MI.



## Sol I Bel Nogut

1 Samyuel

17:48 - 18:9

JONATAN, PIKININI BILONG SOL, I KAMAP PREN TRU LONG DEVIT.


DEVIT, MI AMAMAS LONG I STAP PREN BILONG YU. NAU BAI MI GIVIM YU LONG KLOS NA KLOS PAIT BILONG MI. DISPELA I MAKIM OLSEM BAI MI STAP POROMAN BILONG YU OLTAIM.

JONATAN, MI TENKYU TRU. BAI MI STAP PREN TRU BILONG YU INAP MI DAI. GOD I SAVE PINIS LONG MI.



### HAP NAMBA TU

David kilim Golaiat



Ol man ya,  
ol i wanem  
kain man,  
Tarsan?

Ol i snekman...  
nem bilong ol  
Horib... na ol i  
pait wantaim ol  
arapela man i sin-  
daun antap long  
wanpela lidi.




BLAM!



Em nau... dis-  
pela bom bilong  
yumi i bin pretim  
ol snekman, Tar-  
san.

Oke, kepten.  
Gutpela tru.  
Nau yu bring-  
im mi i go  
daun, bai yumi  
hangamap an-  
tap long dispe-  
la bikpela palai  
ol i kolim  
dinosaur....



Yupela i mas sut tasol  
bilong pretim ol... I  
tambu long kilim wan-  
pela man o wanpela  
animel...




Em nau, ol i  
kalap nogut  
... Sut wan-  
taim moa...

BOOM!

© 1978 United Feature Syndicate, Inc.




# SPOT PES



*Avoa Isou bilong  
Wes Unitet Tim  
(Gulf) i ron wan-  
taim bal, tasol long  
lukluk bilong em, i  
luk olsem i no isi  
long putim gol. Wes  
Unitet i pilai wan-  
taim Kone Tigers  
long Gren Finals —  
Wes Unitet i win.*

## Lukim yu long Ragbi

*Emmanuel Kairu bilong Kone Tigers i  
painim hat tru long ranawe long tupela  
pleya bilong Wes Unitet (Gulf) — lukim  
narapela i laik stilim bal.*



*John Harangu bi-  
long Paga na wanpe-  
la Wes Unitet pleya i  
wok long tingting  
bai mi mekim  
wanem nau? Insait  
long Semi Finel long  
las yia. Wes Unitet i  
win.*

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.